



ՀԱՅՈՑ ՀԱՅՐԱՊԵՏԻ ԾՆՈՐՀԱՎՈՐԱԿԱՆ ԳԻՐԸ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ՆՈՐԸՆՏԻՐ ԸՆԴՀԱՆՈՒՐ ՔԱՐՏՈՒՂԱՐ ԴՈԿՏ. ՖԻԼԻՊ ՓՈԹԸՐԻՆ

ԺԱՆ

Գերհարգելի դուկտ. Ֆիլիպ Փոթըր,
Ութրելստի ժողովից վերադարձին Մեր ներկայացուցիչները՝ տ. Ներսես
Ժ. վրդ. Պողոսյանը և պրն. Պարգև Ծափազյանը ուրախությամբ հայտ-
նեցին Մեզ Ձեր ընտրության մասին, որպես ընդհանուր քարտուղար եկեղե-
ցիների համաշխարհային խորհրդի, ընտրություն, որ կատարվել է խանդա-
վառ մթնոլորտում, արտառուչ միաձայնությամբ:

Այս երջանիկ առիթով հաճելի է Մեզ շնորհավորել Ձեզ հանուն Հայաս-
տանյայց առաքելական եկեղեցու և աղոթել, որ Աստված Ձեզ զորացնի հո-
գևոր նոր եռանդով և լուսավորի նոր ներշնչումներով, որպեսզի փայլուն հա-
ջողություններ արձանագրեք Ձեր առաքելության ճանապարհին՝ քրիստո-
նեական եկեղեցիների էկումենիկ շարժման գլուխը կանգնած:

Հայաստանյայց առաքելական եկեղեցու Մայր Աթոռ ս. Էջմիածնից հղում
ենք Ձեզ Մեր եղբայրական սիրո ողջույնը ի Քրիստոս:

Վ Ա Զ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

16-ը սեպտեմբերի 1972 թ.,
Ս. Էջմիածին

